

醫
統
正
脈
全
書

七
五



祕傳證治要訣卷五

江陰朱氏校刊本

明 太醫院使戴元禮述

諸痛門

頭痛

諸頭痛有因氣因痰因虛及外感四氣或酒食所傷或作勞失力以致頭痛不問何證疑似之際並可與如聖餅子烏芎湯外有臭毒頭痛一味吃炒香附愈荆公解痛字義云宜通而塞則爲痛

有偏正夾腦風服川烏附不愈用蓮子草烏而愈者此

乃毒攻毒之意不可不知

有上焦熱頭痛宜敗毒散去柴胡加甘菊花如其素有
頭風暈眩不可謂其無痛而不以爲風切宜詳審未宜
遽作虛治若投補劑愈甚別又無疾所失血等患又非
諸般病後卒然得此是風暈分曉宜小續命湯加全蝎
三四箇

有頭風發動頂後兩向筋緊吊起作痛者看其人挾寒
挾虛宜大三五七散

頭風用熱藥者多間有挾熱而不勝熱劑者宜消風散

通關散茶調散清上之類偏正頭風作痛痛連於腦常
如牽引之狀發則目不可開眩暈不能擡舉宜芎辛湯
每服加全蝎五箇間進太陽丹及如聖餅子或用大茶
調散入生散追風散大三五七散覺上膈有熱大茶調
散并一字散

痰作頭痛其人嘔吐痰多者宜芎星湯或芎辛湯去茶
牙導痰湯加芎半錢入生散亦可用有病此發作無時
俗名痰飲頭風氣不順停痰上攻頭痛順氣爲上二陳
湯導痰湯並有加料法

頭痛挾熱項生磊塊作痛宜都梁丸

有爛頭風痒而痛者於服頭風藥外用烏醋磨鉄銹塗生薑汁亦可揩擦

怒氣傷肝及肺氣不順上衝於腦令人頭痛宜沉香降氣湯并蘇子降氣湯下養正丹或用芎附飲

因虛頭痛此爲腎厥頭痛宜用正元散或大三五七散入鹽煎服或於正元散入炒椒十五粒下來復丹間進黑錫丹有服諸藥不効其痛愈甚宜茸硃丹所以用茸者已於虛損門眩暈證詳論之



感風寒暑濕四氣及傷食頭痛見諸傷門

中酒頭痛見諸傷門酒食證

作勞失力頭痛見本門身體痛證頸痛因頭痛牽引致
痛者當於頭痛諸證中求藥若別無處獨在頸者非是
風邪卽是氣挫亦有落枕而成痛者並宜和氣飲食後
服

眼眶骨痛

附眉梁痛

痛有二證眼屬肝有肝虛而痛纔見光明則眶骨痛甚
宜生熟地黃丸又有肝經停飲一證發則眉稜骨痛眼

不可開晝靜夜劇宜導痰飲或芎辛湯去茶牙或二陳湯吞青州白丸子併於痰飲選藥

牙痛

牙痛有風毒熱壅齩蛀腎虛未辨何證俱用消風散揩抹諸證俱宜香附炒黑三分炒鹽一分研均揩用如常風毒牙疼用皂角寸節實之以鹽火煨熟湯泡通口嗽吐下涎沫風毒及熱壅上攻牙齦痛或齒縫有紅肉弩出宜消風散食後臨卧入茶點仍入荊芥防風白芷蜂房之屬煎冷頻頻嗽口

有牙蟲已出其孔穴空虛而痛者此乃不可不知宜用乳香少許火炙令軟以實之

若熱壅甚牙腫連頰疼不可忍宜金沸草散去麻黃加薄荷如其數

腎虛牙浮而痛甚則增寒壯熱全具如欲脫之狀宜安腎丸間進黑錫丹

蛀痛用巴豆一粒爛研搓乳香細末丸之塞蛀孔中

咽喉痛

附上壅

傷寒咽喉痛有陰陽二證已於諸傷門傷寒證詳言之

今止言諸雜病咽痛宜甘桔湯熱毒上攻或有瘡或無瘡服甘桔湯不効者宜於甘桔湯加荊芥一錢半重名如聖湯或如聖湯中更加連翹一分防風半分或甘露飲仍用碧雲散旋旋煎點間用鹽水吞養正丹兼以薄荷煎鷄蘇朮含化

有咽疼服冷劑反甚者宜用薑汁詳見嗽門熱嗽證矣有內熱熱形於上焦以致咽疼宜用黃栢皮黃連大黃研末水調塗在心與患處此出於葉氏方書

熱壅咽痛或嗽中帶血者宜金沸草散佐以辰砂化痰



九咽喉痛用諸冷藥不効者宜枳南湯

喉痺作痛腫滿不能言咽中生物名喉風宜甘桔湯若
熱壅上焦咽喉疼痛而吞嚥乾物不若常時之潤睡覺
口舌全無津液者如聖湯加人參半錢玄參七分或佐
以碧雲散鷄蘇丸有上證兼心頭煩燥辰砂五苓散凡
上壅並宜縮砂殼燒灰存性研末水調服之

膈痛

附心瘥

多因積冷與痰氣而成宜五膈寬中散或四七湯加木
香桂各半錢或搗脾湯加丁香膈痛而氣上急者宜蘇

子降氣去前胡加木香如數

痰涎壅盛而痛者宜小半夏茯苓湯加枳實一錢間進
半硫丸

心瘥有痰飲所致俗名飲瘥有胃口熱食易消故瘥素
問謂之食瘥亦類消中之狀俗名肚瘥痰氣宜小半夏
茯苓湯加枳實一錢胃中熱宜二陳湯加黃連一錢或
五苓散加桂與辰砂

膈痛與心痛不同心痛則在岐骨陷處本非心痛乃心
支別絡痛耳膈痛則痛橫滿胸間比之心痛爲輕痛之



得名俗爲之稱耳諸方稱爲嘈雜煩躁忪悸痰飲證也
五苓散利心小腸之熱恐非其對不若用四物湯十全
大補湯去桂生血而益陰此亦非水制火之義亦有病
瘥呷薑湯數口或進乾薑爲而愈此膈上停寒中有服
飲見半熱則消

臂痛

臂爲風寒濕所搏或飲液流入或因提挈重物皆致臂
痛有腫者有不腫者除飲證外其餘諸痛並宜五積散
八烏藥順氣散或蠲痺湯



外有血虛一證血不榮於筋或致臂痛宜蠲痺湯門物
湯各半貼和勻煎服

乳婦如臂枕兒傷於風寒多有臂痛亦宜於此選用若
坐卧爲風濕所搏或睡後手在被外爲寒邪所襲遂令
臂痛宜五積散及蠲痺湯烏藥順氣散審知是濕蠲痺
湯每服加蒼朮三匙防已四分或用五痺湯曾因挈重
傷筋以致臂痛宜琥珀散劫勞散或和氣飲每服加白
薑黃半錢以薑黃能入臂故也

飲流入臂

見諸嗽門停
飲伏痰証

肩背痛

肩背痛未辨何證俱宜和氣飲每服加烏藥半錢

當肩背一片冷痛背脊疼痛古方用神保丸愈者此有積氣故也

其人素有痰飲流注肩背作痛宜星香散或導痰湯下五套丸更於嘔吐門停飲證選藥

有腎氣不循故道氣逆挾背而上致肩背作痛宜和氣飲每服加炒茴香半錢炒水椒十粒

素本體虛及病後心膈間痛或牽引乳脇或走注肩背

此乃元氣上逆當引使歸元不可復下踈刷之劑愈刷愈痛發汗太多人患此者衆惟宜溫補拘於氣無補法之說誤矣經云汗者心之液又曰陽受氣於胸中汗過多則心液耗陽氣不足故致疼也

心脾痛

有近方得病者有病得之已久時發動者不問諸證並宜異攻散香靈湯仍佐以搗脾湯

若積冷而痛者宜手拈散酒調下於內加官桂等分仍以搗脾湯鐵刷湯佐之或用蘇合香圓薑汁和酒調開

熱服前後心痛亦可用

若服溫藥不効者痛愈甚宜微利其大便量虛實先進神保丸以利爲度繼進加味七氣湯若因飲食冷物而痛者宜調氣散和搗脾湯

若因虵作痛虵咬心痛有休止其人吐虵或與之湯飲藥餌轉入轉吐蓋緣物入則虵動虵動則令人惡心而吐用川椒十數粒煎湯下烏梅丸

有腎氣逆上攻心以致心痛用生韭研汁和五苓散爲丸空肚茴香湯下



脇痛

諸脇痛各有所感若止是冷氣作楚與擷撲閃挫宜和氣飲及烏藥順氣散或濃煎蔥白湯下枳殼散

左右脇有氣塊而痛者此是積聚見諸氣門積聚證停飲脇痛本事方面丸最佳

曾有人脇痛連膈進諸氣藥并自大便導者其痛殊甚後用辛熱補劑下黑錫丹方愈此乃虛冷作痛愈踈而愈虛耳脇痛病在肝膽傷寒脇痛屬少陽經合用小柴胡湯痛甚而不大便者於內加枳殼若尋常脇痛不係